

-Apa, ¿paita oametimpiri piotantari
oquitaitetamani?

-Notiomiji, ariorica incontetapaaque
catsirincaiteri, ayojeitanaque
quitaitetanaji.

-Oncameetsateme eiro icontetapaima
catsirincaiteri. Oshequi masavirentsi.

-Teve, notiomiji. Iriotaque savaiteirori,
quitaitetirori quipatsi. Eirome itimime,
¿jaoca antsameetanteameri? ¿Jaoca
anilitanteameri? ¿Jaoca ashitoreatantea-
meri? Cameetsa ini yora catsirincaiteri.

-¿Jaoca icantaqueeri isavatantaqueeri,
iquitaitetantaqueeri?

-Imoncoenataque catsirincaiteri, ishiaquero
pelota. Icantani iparasetaque. Anteari
ini catsini.

-Iparasetaquerica, ¿paita cari itaanta-
jeitaaquee maaroni?

-Areji itimi, catsini. Opeaquero tampea
iyatsirincaite. Areji ini, irotaque
ajitantariri irijani ini.

-Naamaaca inintajeivetaro panquirentsi
oncantaitatiyempanime ontsitenitacotaqueme.
Oveshireapinitaca ariorica oncatsincai-
teaque.

-Teve, notiomiji. Picomitacaro. Ocoajei-
taque panquirentsi imporeacotero catsirin-
caiteri. Pamenero inchatopee anta otsapi-
jaqui. Oivoroncaro nianquijaqui, anta
otiminta oshequi quitaiteri.

-¿Paíta oivoroncashitantarori quitaiteri?
Te aniiteji, te ontaroajateji, te oshito-
riateji.

-Queario picantaque, iro cantaintsa pinquen-
queshireempa. ¿Paíta oajeitari shiocajei-
tatsiri?

-Ja, meeca nioti. Ora oshipaqui, achomi-
caquero cajavatsari. Achomicacotaquero
pashini shintsitacairori inchato.

-Je, queario. Aneencaquero oshi tampea.
Yoroshitaquero catsirincateri. Irotaque
ovetsicantarori maaroni achomicacotaqueri
oshipaqui, oshintsitantari inchato. Ora
timaarantapintsiri ocontejencayetanaque
oshiqui.

-¿Ariompa? Ocoaqueri catsirincateri.

-Ari. Ariorica poaro caniri, parenti--poaro
ovetsicane shiocatsiri. Iro ovetsicantaro
quitaiteri, tampea, aisati timayetirori quipatsiqui.

Meeca amajeitaquero primer año avanzado.

Irotaque primer año avanzado de primaria.

Meeca aneanajeitasanotero castellano.

Anaanaquero aneanajeivetacari perani.

Aneanajeitero castellano escuelaqui.

Arojei quiajeitatsiri primer año avanzado de primaria.

¿Paíta ojita timayetatsiri escuelaqui?

Aca escuelaqui otimi asavicamentojei.

Aca escuelaqui otimi asanquenatantari.

Otimi mapa--shiacantirori Perú.

Otimi pizarra potsitari.

Otimi aisati isavicamento maestro.

¿Jaoca acantajeitirori maaroni?

Irojeitaque omobiliariote escuela.

Ataroajajaitanaque

Otarojataque ina novancoqui.

Amenajaitiri otomipee.

Ovetsicapiniyetiro noari.

Antsiyetanaro noitsaare. Oquivanaro.

Otsameetiro oantsi.

Ichaquitiro apa inchatopee, yantiro oantsi.

Ijatapiniti ipitasati, yaniiveeti.

Yovetsicaquero novanco.

Yamanantaquero noitsaare, quiroshi.

Namitacotiro ina otsameetiro oantsi.

Namitacotiri apa ipitasati.

Itaroajataque maestro escuelaqui.

Aisati narori, notaroajataque escuelaqui.

Niotanaque noquemisantasanotaqueri novinca-
tsarite.

Pampiitajero pineanajeitero ovana 1-19.

- Oncameetsateme eiro otsitenitapinitime.
- Teve. Amaoreapinijeiti arori. Aisati panquirentsi ocoaque omaorei iroori. Ariorica iquianaji catsirincaiteri, ocatsincajencateanaji. Omaoreashitanaji oshi.
- Apa, naamaaca iquempejitapaaque meeca catsirincaiteri. Oshequi itaaquena.
- Cameetsa pimpashiquea. ¿Tempa pamero pisavoenaro? Jero antearo oshi, pintsimanqueari. Cameetsa ini catsirincaiteri, iro cantaintsa ariorica oshequi imporeacotee, amantsiaticari.
- Irove, irotaque nocoaqueri oshi. Pamene, omanaqueri mencori catsirincaiteri. ¿Jaoca oponeari mencori?
- Iritaque catsirincaiteri vetsiquirori mencori. Icatsirincajataquero eni, incajare, maaroni. Ovancajencatanaque nija jenoqui. Otsipajatavacapaaca inquitequi. Ocatsincajatanaque anta. Impoiiji oparianaji aisati. Opeaca incani.
- Cameetsa poametaquena apa. Noquemaquempi.

Pampiitajero pishitorea jeitaquero ovana 62 irosati ocaratapai aca.

OTSITIPÉE

Itimaveitani notsitite diez,
Icamaque aparoni sharacaqui,
Itimaarantapai nueve,

Ari itimaveitani notsitite nueve,
Yoamampeacaro aparoni tanta,
Itimaarantapai ocho,

Itimaveitani notsitite ocho,
Opesaqueri aparoni saviri,
Itimaarantapai siete,

Itimaveitani notsitite siete,
Yaaqueri aparoni Moisés,
Itimaarantapai seis,

Itimaveitani notsitite seis,
Imitajamempeaca aparoni, icamaque,
Itimaarantapai cinco,

Itimaveitani notsitite cinco,
Ijataque aparoni cinemaqui,
Itimaarantapai cuatro,

Itimaveitani notsitite cuatro,
Ishoncanaja aparoni,
Itimaarantapai tres,

Itimaveitani notsitite tres,
Aaqueri aparoni atojerentsi,
Itimaarantapai dos,

Itimaveitani notsitite dos,
Aaqueri aparoni itasheni,
Itimanaji aparoni,

Itimaveitani notsitite aparoni,
Icamanaque anta otishiqui,
Meece tecatsi notsitite,